

২০২৪ শিক্ষাবর্ষের বার্ষিক সামষ্টিক মূল্যায়নের বিষয়ভিত্তিক নির্দেশনা

বিষয়: জীবন ও জীবিকা

শ্রেণি: অষ্টম

(ক) প্রশ্ন প্রণয়নের ক্ষেত্রে লক্ষণীয়

- বার্ষিক মূল্যায়নের জন্য নির্ধারিত সিলেবাসের ভিত্তিতে প্রশ্ন প্রণয়ন করতে হবে; প্রতিটি অভিজ্ঞতা থেকে প্রশ্ন থাকতে হবে।
- বিষয়ভিত্তিক নির্দেশনায় উল্লিখিত মানবন্টন ও ধরন অনুসরণ করে প্রশ্ন প্রণয়ন করতে হবে।
- **বহুনির্বাচনি প্রশ্নের ক্ষেত্রে** সরাসরি পাঠ্যপুস্তক থেকে লাইন উল্লেখ করে প্রশ্ন দেওয়া যাবে না। এমন প্রশ্ন করতে হবে যেন উত্তর দেওয়ার ক্ষেত্রে শিক্ষার্থীকে চিন্তা করতে হয়। তবে অপশনের ক্ষেত্রে একটিই সঠিক উত্তর থাকবে, একের অধিক উত্তর রাখা যাবে না।
- কোনো প্রশ্নে 'না' বোধক উত্তর চাওয়া হলে সেটির ক্ষেত্রে উল্লিখিত শব্দটি গাঢ় (বোল্ড) এবং নিচে দাগ (আন্ডারলাইন) করে দিতে হবে, যাতে শিক্ষার্থীর নজর এড়িয়ে না যায় (যেমন, কোনটি পরিত্যাজ্য, কোনটি নয়, ইত্যাদি ক্ষেত্রে)
- এক কথায় উত্তরের ক্ষেত্রে প্রশ্নটি এমনভাবে করতে হবে, যেন এক বা দুই শব্দে শিক্ষার্থী উত্তর প্রদান করতে পারে (জ্ঞানমূলক বা তথ্যনির্ভর প্রশ্ন হতে পারে)।
- **সংক্ষিপ্ত প্রশ্নগুলোর ক্ষেত্রেও** লক্ষ রাখতে হবে যেন উত্তর সংক্ষিপ্ত হয় এবং সকল শিক্ষার্থী প্রায় একই ধরনের উত্তর প্রদান করে এমন প্রশ্ন হতে হবে (জ্ঞানমূলক ও অনুধাবনমূলক, যেমন- কী, উদাহরণ দাও, ইত্যাদি)।
- দুই ধরনের রচনামূলক প্রশ্ন করতে হবে- দৃশ্যপটবিহীন এবং দৃশ্যপটনির্ভর। **দৃশ্যপটবিহীন প্রশ্নগুলো** এমনভাবে করতে হবে যেন পাঠ্যপুস্তকে সন্নিবেশিত ব্যাখ্যা ও উদাহরণের আলোকে শিক্ষার্থী উত্তর প্রদান করতে পারে।
- **দৃশ্যপটনির্ভর প্রশ্ন** করতে হবে- শিক্ষার্থী ইতোপূর্বে পাঠ্যপুস্তকে সন্নিবেশিত যেসব অভিজ্ঞতা সম্পন্ন করেছে, তার আলোকে। অর্থাৎ পাঠ্যপুস্তকে সন্নিবেশিত কার্যক্রমের মাধ্যমে অর্জিত অভিজ্ঞতাকে কাজে লাগিয়ে শিক্ষার্থীকে উত্তর দিবে, তবে উদাহরণের পুনরাবৃত্তি হবে না, সম্পূর্ণ নতুন পরিস্থিতি বা ভিন্নধর্মী প্রেক্ষিত হতে হবে।

(খ) বার্ষিক পরীক্ষার পাঠ্যক্রম/সিলেবাস

ক্রমিক নম্বর	অভিজ্ঞতার নাম	পৃষ্ঠা নম্বর
০১	আনন্দময় কাজের সন্ধানে	১-২০
০২	আর্থিক সেবা ও সুযোগের সাথে পরিচয়	৮০-১০২
০৩	কী আছে আমার মাঝে	১০৩-১২২
০৪	স্কিল কোর্স এক: ইকো ট্র্যর গাইডিং	১২৩-১৩৫
০৫	স্কিল কোর্স দুই: কেয়ার গিডিং ২	১৩৬-১৬২

(গ) মূল্যায়ন কাঠামো

শিখনকালীন	সামষ্টিক
৩০%	৭০%

(ঘ) শিখনকালীন মূল্যায়ন

আইটেমের নাম (Item type)	নির্ধারিত নম্বর/ওয়েটেজ	নির্দেশনা
অ্যাসাইনমেন্ট/ব্যাবহারিক কাজ (Assignment/Practical) নমুনা: <ul style="list-style-type: none">অ্যাসাইনমেন্ট: পাঠ্যপুস্তকের পৃষ্ঠা ১০, ১১৮, ১৪২, ১৫৪ তে দেওয়া একক কাজব্যাবহারিক কাজ: পাঠ্যপুস্তকের পৃষ্ঠা ১২০, ১৩৩ (ক), ১৫৫ দেওয়া কাজ	১০	শিক্ষক প্রতিটি ক্যাটাগরিতে উল্লিখিত নমুনা কাজগুলো থেকে এক বা একাধিক কাজ শিখনকালীন মূল্যায়নের জন্য বেছে নিতে পারেন। অথবা নিজেদের সুযোগ সুবিধা অনুযায়ী সবকটি কাজও সম্পন্ন করতে পারেন। তবে সেক্ষেত্রে ক্যাটাগরি অনুযায়ী নির্ধারিত সবগুলো কাজের গড় নম্বরকে ৩০ নম্বরের মধ্যে উল্লেখ করা যেতে পারে।
অনুসন্ধানমূলক কাজ/প্রকল্প/প্রতিবেদন উপস্থাপন (inquisitive work, project proposal, report presentation) নমুনা: <ul style="list-style-type: none">প্রকল্প/প্রজেক্ট: পাঠ্যপুস্তকের পৃষ্ঠা ১৪, ১৬০তে দেওয়া কাজঅনুসন্ধানমূলক কাজ: পাঠ্যপুস্তকের পৃষ্ঠা ৭, ১০০ তে দেওয়া একক কাজ	১০	
শ্রেণির কাজ <ul style="list-style-type: none">পাঠ্যপুস্তকে সন্নিবেশিত একক ও দলগত কাজ, ছক পূরণ, বক্স পূরণ, ফ্লোচার্ট অংকন ইত্যাদি	১০	

(ঙ) সামষ্টিক মূল্যায়ন: প্রশ্নের ধারা ও মানবন্টন

বিভাগ	আইটেমের নাম	প্রশ্নপত্রে মোট প্রশ্নের সংখ্যা	উত্তর দিতে হবে	প্রতি প্রশ্নে নম্বর	মোট নম্বর	সময়	
ক	নৈর্ব্যক্তিক প্রশ্ন	বহুনির্বাচনি প্রশ্ন	১৫ টি	১৫ টি	১	১×১৫=১৫	৩ ঘন্টা
		এক কথায় উত্তর প্রশ্ন	১০ টি	১০ টি	১	১×১০=১০	
খ	সংক্ষিপ্ত-উত্তর প্রশ্ন	১০ টি	১০ টি	২	২×১০=২০		
গ	রচনামূলক প্রশ্ন (দৃশ্যপটবিহীন)	৫ টি	৩ টি	৫	৫×৩=১৫		
ঘ	রচনামূলক প্রশ্ন (দৃশ্যপটনির্ভর) প্রতিটি দৃশ্যপটের বিপরীতে দুটি অংশ থাকবে	৭ টি	৫ টি	(৪+৪)=৮	৮×৫=৪০		
মোট					১০০		

*১০০ নম্বরের মধ্যে শিক্ষার্থীর প্রাপ্ত নম্বরকে ৭০% এ কনভার্ট করা হবে।

(চ) এটি একটি নমুনা প্রশ্নপত্র। এই নমুনা প্রশ্নপত্রের আলোকে আপনি এই বিষয়ে আপনার স্বকীয় প্রশ্নপত্র তৈরি করবেন। কোনোভাবেই নমুনা প্রশ্নপত্র ছবছ ব্যবহার করা যাবে না।

বার্ষিক সামষ্টিক মূল্যায়ন ২০২৪

বিষয়: জীবন ও জীবিকা

শ্রেণি: অষ্টম

পূর্ণমান: ১০০; সময়: ৩ ঘন্টা

ক বিভাগ: নৈর্ব্যক্তিক

বহু নির্বাচনী প্রশ্ন: সঠিক উত্তর চিহ্নিত করে খাতায় লিখ (১-১৫ পর্যন্ত)।

১×১৫=১৫

১। ইকোট্যুরের মূল লক্ষ্য কী?

(ক) পর্যটকের আকর্ষণ বৃদ্ধি

(খ) প্রকৃতির ব্যাঘাত না ঘটিয়ে সৌন্দর্য উপভোগ

(গ) প্রাকৃতিক পরিবেশের সৌন্দর্য বৃদ্ধি

(ঘ) ট্যুরের মাধ্যমে অর্থ উপার্জন

২। কোনটি অনলাইন ব্যাংকিং এর প্রধান সুবিধা ?

(ক) নির্দিষ্ট সময়ের মধ্যে লেনদেন

(খ) নির্দিষ্ট স্থানে লেনদেন

(গ) যেকোনো সময় লেনদেন

(ঘ) নির্দিষ্ট ব্যক্তির মাধ্যমে লেনদেন

৩। শেয়ার বাজার সম্পর্কে কোন তথ্যটি সঠিক নয়?

(ক) বিনিয়োগে ঝুঁকি বেশি

(খ) শেয়ারের মূল্য উঠা-নামা করে

(গ) সকল কোম্পানির শেয়ারই নিরাপদ

(ঘ) শেয়ার বিনিয়োগে লাভ বেশি

৪। পারিবারিক মজুদ খতিয়ান বা স্টক লেজার ব্যবহারের সুবিধা কোনটি?

(ক) পরিবারে পণ্যের মজুদের হালনাগাদ তথ্য থাকে

(খ) পরিবারে পণ্যের অপচয় বাড়ে

(গ) নতুন নতুন চাহিদা তৈরি হয়

(ঘ) পণ্য সংরক্ষণের পদ্ধতি জানা যায়

৫। শিক্ষা প্রতিষ্ঠানের একটি নিয়মিত অনুষ্ঠান (ইভেন্ট) 'একুশে ফেব্রুয়ারি: আন্তর্জাতিক মাতৃভাষা দিবস' উদযাপনে নিচের কোন কাজটি উদ্ভাবনীমূলক বা ভিন্নধর্মী বলে মনে করো?

(ক) বাংলা কবিতা আবৃত্তির আয়োজন

(খ) ভাষা আন্দোলনের উপর অংকন প্রতিযোগিতা

(গ) ভাষা আন্দোলননির্ভর নাটিকা উপস্থাপন

(ঘ) সুবিধাবঞ্চিত শিশুদের প্রমিত বাংলা শেখানোর উদ্যোগ

৬। মজুদ খতিয়ানে নিচের কোন বিষয়টি উল্লেখ থাকে না?

(ক) প্রতিটি পণ্য কী পরিমাণ মজুদ আছে

(খ) কী পরিমাণ পণ্য ক্রয় করতে হবে

(গ) পাইকারি ক্রয়ের প্রয়োজনীয়তা সম্পর্কে তথ্য

(ঘ) ক্রয়কৃত পণ্য কী পরিমাণ ব্যবহার হয়েছে

৭। ইভেন্ট ম্যানেজমেন্টের ক্ষেত্রে একজন দলনেতার কোন অভ্যাসটি পরিত্যাগ করতে হবে?

(ক) দলের সবার মাঝে সঠিকভাবে দায়িত্ব বন্টন

(খ) সবার মতামতের প্রতি সহনশীল থাকা

(গ) কমিউনিকেশন গ্যাপ তৈরি করা

(ঘ) কাজের প্রতি একনিষ্ঠ ও সক্রিয় থাকা

- ৮। ফায়ার ড্রিলের বাহিনীতে আহত লোকদের উদ্ধারকারী দলকে কী দেখে শনাক্ত করা যাবে?
- (ক) অ্যাথ্রনের পিছনে লাল রঙে 'আগুন' লেখা
(খ) অ্যাথ্রনের পিছনে লাল রঙে 'উদ্ধার' লেখা
(গ) অ্যাথ্রনের পিছনে লাল রঙে 'প্রাথমিক চিকিৎসা' লেখা
(ঘ) অ্যাথ্রনের পিছনে লাল রঙে 'জরুরি সেবা' লেখা
- ৯। নিজেকে চমৎকারভাবে উপস্থাপনের জন্য, বিশেষ করে শারীরিক অঙ্গভঙ্গির উন্নয়নের জন্য নিচের কোন অনুশীলনটি বেশ কার্যকর ?
- (ক) উচ্চস্বরে কথা বলা
(খ) মাইক্রোফোনে অনুশীলন করা
(গ) আয়নার সামনে অনুশীলন
(ঘ) নিচুস্বরে কথা বলা
- ১০। নিজের জীবনের লক্ষ্য নির্ধারণে নিচের কোনটি গুরুত্বপূর্ণ নয় ?
- (ক) আগ্রহ
(খ) প্রতিযোগিতা
(গ) সামর্থ্য
(ঘ) মূল্যবোধ
- ১১। জীবন বৃত্তান্ত (CV) বা ব্যক্তিগত প্রোফাইলে নিচের কোনটি না থাকলেও চলে?
- (ক) জন্ম তারিখ
(খ) শিক্ষাগত যোগ্যতা
(গ) কাজের অভিজ্ঞতা
(ঘ) সম্পদের বিবরণ
- ১২। ব্যাংক থেকে আর্থিক সেবা গ্রহণের ক্ষেত্রে নিচের কোনটি জমা দেওয়া সবার জন্য বাধ্যতামূলক ?
- (ক) জাতীয় পরিচয় পত্রের কপি
(খ) জমির দলিলের কপি
(গ) শিক্ষাগত যোগ্যতার সনদের কপি
(ঘ) টিকাদান কার্ডের কপি
- ১৩। ব্যক্তিগত সোয়াট অ্যানালাইসিস এর সুবিধা কোনটি ?
- (ক) নিজের ত্রুটি সংশোধনের সুযোগ তৈরি হয়
(খ) ব্যবসায়ের চ্যালেঞ্জ মোকাবিলা করা যায়
(গ) পরিবারকে সহায়তা প্রদান করা যায়
(ঘ) ব্যবসায়ের ভুল চিহ্নিত করা যায়
- ১৪। কোনটি সঞ্চয়পত্র স্কিম নয়?
- (ক) প্রাইজ বন্ড
(খ) ক্রেডিট কার্ড
(গ) পেনশনার সঞ্চয়পত্র
(ঘ) ওয়েজ আর্নার ডেভেলপম্যান্ট বন্ড
- ১৫। কোন পেশাটি 'ডিজিবিলিটি কেয়ারের ক্ষেত্রে সামঞ্জস্যপূর্ণ নয়'?
- (ক) অল্টারনেটিভ ল্যাপ্‌টোপ ইন্টারপ্রিটার
(খ) গাইডিং কাউন্সিলর
(গ) থেরাপিটিক সাপোর্টার
(ঘ) প্যাথোলজিস্ট

এক কথায় উত্তর প্রশ্ন: প্রতিটি প্রশ্নের উত্তর দাও।

১×১০=১০

- ১৬) ক্যারটিড পালস মানব দেহের কোথায় পাওয়া যায়?
- ১৭) রাতারগুল বাংলাদেশের কোথায় অবস্থিত?
- ১৮) একজন কেয়ার গিভার হিসেবে পরিবারের শিশুদের সাথে কোন কাজটি বর্জনীয়?
- ১৯) স্টেথোস্কোপ কী কাজে ব্যবহার করা হয় ?
- ২০) বাংলাদেশের কোন সমুদ্র সৈকতের দিগন্ত থেকে সূর্যোদয় ও সূর্যাস্ত দুটোই দেখা যায় ?
- ২১) বিমা কী ধরনের আর্থিক ব্যবস্থাপনা?
- ২২) CMSME ঋণ কী ধরনের ঋণ?
- ২৩) কোন ধরনের বিনিয়োগ সবচেয়ে নিরাপদ বা ঝুঁকিমুক্ত ?
- ২৪) পারিবারিক মজুদ ব্যবস্থাপনার ক্ষেত্রে প্রধান বিবেচ্য বিষয় কী ?
- ২৫) একজন সুস্থ ব্যক্তির রক্তে কাল্পিত অক্সিজেনের মাত্রা কত থাকা উচিত?

খ- বিভাগ : সংক্ষিপ্ত-উত্তর প্রশ্ন

নিচের প্রশ্নগুলোর উত্তর দাও। প্রতিটি প্রশ্নের মান ২।

২×১০=২০

- ১। ইকো ট্রার বলতে কী বুঝায়? উদাহরণ দাও।
- ২। পারিবারিক খরচ কমানোর কয়েকটি উপায় উল্লেখ করো।
- ৩। কেয়ার গিভিং শেখার প্রয়োজন কেন?
- ৪। আর্থিক সেবাদানকারী প্রতিষ্ঠানসমূহের কয়েকটি সেবা উল্লেখ করো।
- ৫। একজন কেয়ার গিভার হিসেবে শিশুদের স্বাস্থ্যকর অভ্যাস গঠনে তাদের কী কী কাজে সহায়তা করবে?
- ৬। একজন ইকো ট্রার গাইড হিসেবে ট্রার কনফার্মেশনের জন্য কী কী করবে?
- ৭। মূল্যবোধ বলতে কী বুঝায়? আমাদের সমাজে প্রচলিত একটি মূল্যবোধের উদাহরণ দাও।
- ৮। কর্মপরিকল্পনা (Action plan) এর কয়েকটি সুবিধা উল্লেখ করো।
- ৯। আর্থিক অন্তর্ভুক্তিমূলক সেবা 'বিমা' গ্রহণের সুবিধা কী?
- ১০। ফায়ার ড্রিল বা অগ্নি-মহড়ার উদ্দেশ্য কী?

গ বিভাগ : রচনামূলক প্রশ্ন (দৃশ্যপটবিহীন)

নিচের প্রশ্নগুলো থেকে যেকোনো ৩ টির উত্তর দাও। প্রতিটি প্রশ্নের মান ৫।

৫×৩=১৫

- ১। কর্মপরিকল্পনা কী? কর্মপরিকল্পনার বিভিন্ন ধাপগুলো ব্যাখ্যা করো।
- ২। ইভেন্ট ম্যানেজমেন্ট কী? যেকোনো একটি ইভেন্ট ম্যানেজমেন্টের জন্য কোন কোন দিক লক্ষ্য রাখতে হবে, তা ব্যাখ্যা করো।
- ৩। 'ইকো-ট্যুরিজমের জন্য বাংলাদেশ একটি সম্ভাবনাময় দেশ'- উক্তিটি তোমার অভিজ্ঞতার আলোকে ব্যাখ্যা করো।
- ৪।
- ৫।

ঘ বিভাগ : রচনামূলক প্রশ্ন (দৃশ্যপটনির্ভর)

দৃশ্যপটের আলোকে সন্নিবেশিত প্রশ্নগুলোর যেকোনো ৫টির উত্তর দাও। প্রতিটি প্রশ্নে দুটি করে অংশ রয়েছে। প্রতি প্রশ্নের মান (৪+৪)=৮।

৮(৪+৪)×৫=৪০

- ১। আসমা তোমার সহপাঠি। তার সম্পর্কে নিচের তথ্যগুলো দেওয়া হলো।

আসমার আগ্রহ	আসমার সামর্থ্য	আসমার পারিবারের ভাবনা	আসমার লক্ষ্য
জামিতিক ড্রইয়িং	নিখুত অংকন	আসমাকে প্রকৌশলী হিসেবে দেখতে চায়	রোবট ডিজাইনার হওয়া

- ক) উল্লিখিত তথ্যের ভিত্তিতে আসমার লক্ষ্য পূরণের জন্য কী কী পদক্ষেপ নিতে হবে, তার একটি তালিকা তৈরি করো; পদক্ষেপগুলোর ধারাবাহিকতা অনুযায়ী সম্ভাব্য সময়সীমা স্থির করো।
 - খ) উক্ত লক্ষ্যে পৌঁছানোর জন্য সম্ভাব্য মাইলফলক/মাইলস্টোন স্থির করো, প্রতিটি মাইলফলকে আসমাকে কী কী কাজে দক্ষতা অর্জন করতে হবে, তা নির্ধারণ করো।
- ২। সিফাতের বাড়ি হাওড় এলাকায়। বর্ষা মৌসুমে সেখানে পর্যটকের আনাগোনা শুরু হয়। এইসময় হাওড় ভ্রমণের সময় উচ্চশব্দে মাইক ও গান বাজানো হয়, চর থেকে হাঁস ধরে জবাই করে ট্রলারে রান্না-বান্না, পানিতে আবর্জনা নিক্ষেপ ইত্যাদিসহ প্রাণীদের প্রাকৃতিক সুবিধায় হস্তক্ষেপ চালানো হয়।
 - ক) উক্ত এলাকায় তুমি একটি ইকো-ট্যুর পরিচালনা করলে উল্লিখিত পরিবেশ ও প্রকৃতির ব্যাঘাত না ঘটিয়ে কীভাবে আয়োজনের পদক্ষেপ নিতে, তা উল্লেখ করো।

খ) উক্ত ট্যুরের জন্য নিচের ছক অনুযায়ী প্রয়োজনীয় উপকরণ বা লজিস্টিকসের একটি তালিকা প্রস্তুত করো।

কখন প্রয়োজন	কী উপকরণ বা লজিস্টিকস প্রয়োজন	কীভাবে নিশ্চিত করবে (সম্ভাব্য পরিকল্পনা)
ট্যুরের আগে		
ট্যুরের সময়		
ট্যুরে যাওয়ার পর		

৩। তোমাদের বাড়িতে মেহমান এলে তোমার ছোটো ভাইটি তার নিজের কক্ষে মোবাইল নিয়ে বসে থাকে। মেহমানদের সাথে কোনোরকম শুভেচ্ছা বিনিময়ও করে না। এসব কারণে প্রেসার বেড়ে প্রায়ই তোমার মা অসুস্থ পড়েন।

ক) উল্লিখিত পরিস্থিতিতে হঠাৎ মায়ের প্রেসার বেড়ে গেলে একজন কেয়ার গিভার হিসাবে তুমি কীভাবে সহায়তা করবে, উল্লেখ করো।

খ) তোমার ছোট ভাইকে কাম্বিত সামাজিক আচরণে অভ্যস্থ করে তোলার জন্য কী কী পদক্ষেপ নিবে, তা বর্ণনা করো।

৪। আগমনী বিদ্যালয়ে বার্ষিক ক্রীড়ার অনুষ্ঠান চলছে, কিন্তু সিডিউল অনুসরণ করা হচ্ছে না। অভিভাবকগণ অনেকেই বসার জায়গা না পেয়ে অনুষ্ঠান থেকে চলে গেছেন। মার্বেল দৌড় দিতে গিয়ে এক শিক্ষার্থী পড়ে গিয়ে হাঁটু ছিলে গেছে, কিন্তু তাৎক্ষণিক চিকিৎসার ব্যবস্থা না থাকায় তাকে হাসপাতালে নিতে হয়েছে। অনুষ্ঠান শেষে ডেকোরেটরের ভাড়া নিয়েও কমিটির সাথে বাক-বিতণ্ডা চলছে।

ক) উক্ত আয়োজনের কোন দিকগুলো তোমার কাছে ত্রুটিপূর্ণ মনে হয়েছে এবং কীভাবে এগুলোর সমাধান করা যেতে পারে ?

খ) তুমি এই অনুষ্ঠানের আয়োজক হলে, এটিকে আকর্ষণীয়, সৃজনশীল ও উদ্ভাবনীমূলক করার জন্য কী কী উদ্যোগ গ্রহণ করত?

৫। সালেহার বেগম তার স্বামীর হঠাৎ মৃত্যুর পর স্বামীর কর্মস্থল থেকে প্রাপ্ত পেনশনের টাকায় তিনি নিজেদের খরচসহ দুই সন্তানের লেখাপড়া কীভাবে চালাবেন, তা নিয়ে দুঃশিস্তায় আছেন। তার এলাকায় কেউ তাকে ডিপোজিট স্কিম খুলতে বলে, কেউ সঞ্চয়পত্র করতে বলে, কেউ বলে শেয়ার মার্কেটে টাকা খাটানোর জন্য, আবার কেউ বলছেন জমি কিনে ব্যবসা শুরু করার জন্য।

ক) উল্লিখিত পরিস্থিতিতে যেসব বিনিয়োগের কথা বলা হয়েছে, সেগুলোর ক্ষেত্রে কী ধরনের ঝুঁকি রয়েছে, তা উল্লেখ করো।

খ) সালেহা বেগমের জন্য তুমি কোন বিনিয়োগটি উত্তম বলে মনে করো, তা কারণসহ উল্লেখ করো।

৬।

৭।

(ছ) নমুনা প্রশ্নের আলোকে উত্তর

বহুনির্বাচনী প্রশ্নের (MCQ) এর উত্তর

প্রশ্ন নং	উত্তর	প্রশ্ন নং	উত্তর	প্রশ্ন নং	উত্তর
১	খ	৬	গ	১১	ঘ
২	গ	৭	গ	১২	ক
৩	গ	৮	খ	১৩	ক
৪	ক	৯	গ	১৪	খ
৫	ঘ	১০	খ	১৫	ঘ

এক কথায় প্রশ্নের উত্তর

প্রশ্ন নং	উত্তর	প্রশ্ন নং	উত্তর
১৬	ঘাড়ের দুই পাশে	২১	আর্থিক ঝুঁকি হ্রাসের ব্যবস্থা
১৭	সিলেট	২২	মেয়াদি ঋণ
১৮	ধমক দেওয়া	২৩	সরকারি সঞ্চয়পত্র
১৯	রক্ত চলাচলের শব্দ শোনার জন্য	২৪	পরিবারের আর্থিক সক্ষমতা
২০	কুয়াকাটা	২৫	৯৫-১০০ শতাংশ

সংক্ষিপ্ত উত্তর প্রশ্নের নম্বর প্রদানের নমুনা রুব্রিক্স

প্রশ্ন নং	নম্বর	নম্বর প্রদানের শর্ত
সংক্ষিপ্ত প্রশ্ন ১। ইকো ট্যুর বলতে কী বুঝে? উদাহরণ দাও।	২	ইকো ট্যুরের ধারণা এবং উদাহরণ লিখতে পারলে
	১	ইকো ট্যুরের ধারণা লিখতে পারলে
	০	প্রদত্ত প্রশ্নের উত্তর না লিখতে পারলে /অপ্রাসঙ্গিক/ভুল উত্তর লিখলে

দৃশ্যপটনির্ভর প্রশ্নের নম্বর প্রদানের নমুনা রুব্রিক্স

প্রশ্ন নং	নম্বর	নম্বর প্রদানের নির্দেশনা
১। (ক) উল্লিখিত তথ্যের ভিত্তিতে আসমার লক্ষ্য পূরণের জন্য কী কী পদক্ষেপ নিতে হবে, তার একটি তালিকা তৈরি করো; পদক্ষেপগুলোর ধারাবাহিকতা অনুযায়ী সম্ভাব্য সময়সীমা স্থির করো।	৪	লক্ষ্য পূরণের জন্য প্রাসঙ্গিক পদক্ষেপের তালিকা এবং উক্ত পদক্ষেপের ধারাবাহিকতা অনুযায়ী যৌক্তিকভাবে সময়সীমা উল্লেখ করতে পারলে
	৩	লক্ষ্য পূরণের জন্য প্রাসঙ্গিক পদক্ষেপের তালিকা প্রাসঙ্গিক হলেও আংশিক অপূর্ণতা রয়েছে এবং উক্ত পদক্ষেপের ধারাবাহিকতা অনুযায়ী যৌক্তিকভাবে সময়সীমা উল্লেখ করতে পারলে
	২	লক্ষ্য পূরণের জন্য পদক্ষেপগুলো প্রাসঙ্গিক কিন্তু খুবই সংক্ষিপ্ত তালিকা এবং উক্ত পদক্ষেপের ধারাবাহিকতা অনুসরণ না করে যৌক্তিকভাবে সময়সীমা উল্লেখ করা হলে
	১	লক্ষ্য পূরণের জন্য প্রাসঙ্গিক পদক্ষেপের তালিকা উল্লেখ করতে পারলে
	০	প্রদত্ত প্রশ্নের উত্তর না লিখতে পারলে/অপ্রাসঙ্গিক/ভুল উত্তর লিখলে